



Rabu, 1 September 2021
Ogen: Esekiel 12: 17-20



Nggirgic Alu Gentar



Situasi nggiring alu gentar biasana jadi man kalak si enggo meteh kesalahenna, si nandangi iadili, nandangi iukum mberat ntahe nandangi kalak si bakal mpertanggungjawabken perbahanen kalak si ndiher ras ia (lit hubungan kekeluargaan). Emaka bicara seh waktuna ia ilebuh ia bas situasi si bage tuhu-tuhu nggiring kal ia menam la ia ngasup pe ngalakenca situasi e. Banci jadi ingkar ia i bas janji, banci jadi ngelak i bas ngaloi, mereken pembelan diri ras sidebanna. Banci saja kita la pernah ngenanami hal si bagenda rupa, tapi pasti lit nge kalak menghadapi situasi kegeluhenna si bagenda rupa.

Situasi si bagenda, pernah jadi nandangi nabi Esekiel. Asum ngerana Dibata: "O manusia si ermasap-masap, nggiringlah kam alu gentar ras mbiar tupung kam man ras minem" enda dua kali iulih Dibata erkelangken nabi Esekiel (ay. 18 ras ay. 19). Engkai maka arus nggiring alu gentar? Kepe Dibata enggo seh kal merawana nandangi Bangsa Israel, tentu perlebe isehkenna rawana e man Esekiel ope denga nabi e nehkenca man Bangsa Israel si mbelin e. Emaka ngalaken rawa Dibata si mesangat e, nggiring kel Esekiel. Sebab selaku nabi enggo me ietehna adi enggo merawa Dibata dengen isehkenNA kai si atena ilakokenNa, pasti jadi me bage ilakokenNa man bangsa e. Kai sabapna Dibata merewa? Si la ngenana ate Dibata emekap: kinilabujuren si jadi i bas bangsa e (hubungan sosial sasih-sasih ia) enggo mahanca kalak si musil iderpa kiniseran geluh, itindas ia seh maka erlebuh me ia nandangi Tuhan. Emaka ersura me Dibata ngkernepenken bangsa e rikutken inganna tading, taneh, kuta, juma. Alu tujun ieteh bangsa e uga kuasa Tuhan i bas doni enda. Kuasa Dibata si mbelin i bas kegeluhenta ngasup ngelakoken kai pe i bas kegeluhenta, si mehulina ola min jadi i bas kita situasi bagi siinanami nabi Esekiel terlebih bangsa Israel si ngaloken rawa Dibatanta.



Blank writing area with a wavy top edge.